

便蒙禹貢要註



830432

江南城聚寶門三山街大  
功坊郭家巷內秦狀元巷  
中李光明家自梓童蒙各  
種讀本揀選重料紙張裝  
訂又分鋪狀元境狀元境  
口狀元閣發售實價有單

狀元閣爵記印

優蒙禹貢要註



便蒙禹貢要註

豐清堂

夏書

禹敷土隨山刊木奠高山大川

此總言治水之要也分九州之地則水勢之高下可知隨山而行相其便宜斬木通道則水勢之緩急可知定其山之高川之大者以別州境則水勢之出入可知

冀州

此分記九州之成功皆自下而高也冀州帝都

便蒙禹貢要註

一

李光明註

之地又河水所經故治之獨先不言疆界者以餘州所至可見亦以尊京師示王者無外之意

旣載壺口

冀之水莫大於河而北曲之壺口山乃河水南下之衝也剏始治之曰載所以殺河勢也

治梁及岐

梁山岐山皆河水所經繼治之所以開河道也壺口在下流梁岐在上流下流旣殺上流方可施功也

既修太原至于岳陽

太原岳陽皆地也廣平曰原太原汾水所出山南曰陽岳陽汾水所經因繇之功而修之修太原以瘠其源至岳陽以導其流而汾水東入於河矣

覃懷底績至于衡漳

覃懷河內之地涑水出其西淇水出其東底績者水患去而平地致功也漳水有清有濁衡者以其橫流入河也至於漳旁之地亦無不平治

便蒙禹貢要註

一一 李光明註

矣

厥土惟白壤

水患既平土宜可辨蓋教民樹藝與因地制貢不可不先辨土也冀之土辨其色則白辨其性則壤壤者柔而無塊也

厥賦惟上上錯厥田惟中中

土宜既辨田賦可定賦第一等雜出第二等地力年分之不齊也賦高於田四等者地廣而人稠也先賦而後田者王畿之地賦非盡出於田



也

### 恆衛既從大陸既作

恆水東入澗水衛水東入滹沱河各順其故道也恆衛水小而地遠治之不甚急大陸地平而近河治之爲甚難成功最遲故紀於田賦之後

### 島夷皮服

海島之夷以皮服來貢畿內無貢者已征於厥賦之中也

### 夾右碣石入于河

便蒙禹貢要註

三 李光明註

冀州三面距河皆可達河而至惟在北境者阻山不與河通故貢賦之來自北海入河南向西轉而碣石在其右轉屈之間視之如在夾右故曰夾右也入河則入帝都矣

### 濟河惟兗州

兗州之域東南據濟西北距河據者跨而過之距者猶未至也

### 九河既道

河自大陸以北其勢愈大禹乃分爲九河以殺

其勢既順其所開之道矣

### 雷夏既澤

濟水橫流入於雷夏而不能受則亦泛濫奔潰  
今濟水定而雷夏始爲澤矣

### 澠沮會同

水自河出爲澠濟出爲沮會同者水合而爲一  
也既道既澤河濟之正流得其治澠沮會同河  
濟之支流得其治矣

### 桑土既蠶是降邱宅土

便蒙禹貢要註

四 李光明註

水治而土平宜桑之土始可以蠶民利興也依  
邱之民下居平地民居莫也

### 厥土黑墳厥草惟繇厥木惟條

兗州之土其色黑其性墳起草則繇而茂盛木  
則條而長達水既平故土宜辨而物性遂矣

### 厥田惟中下厥賦貞作十有三載乃同

田第六等賦第九等貞正也人君以薄賦爲正  
也兗當河下流之衝被害尤甚水患雖平而生  
理尙艱必作治十有三載然後納賦同於他州



也

### 厥貢漆絲厥篚織文

究地厥木惟條宜漆也桑土既蠶宜絲也故制以爲貢織而有文錦綺之屬則盛於篚篚而貢焉

### 浮于濟漯達于河

因水入水曰達濟水經流於河漯水支分於河故貢賦之來各因其便或浮濟或浮漯以達河也

便蒙禹貢要註

五

李光明註

### 海岱惟青州

青州之域東北至海西南距岱

### 嵎夷既略

嵎夷東表之地既略者爲之封可以興樹藝爲之畛可以立溝塗也由遠以觀近而土無不平矣先言地者不係乎水也

### 維淄其道

淄水北入海淄水東入濟各循其故道也由小以見大而水無不平矣青非眾流之衝故用功

簡易也

### 厥土白墳海濱廣斥

平地之土色白而性墳海濱之土廣漠而斥鹵可煮爲鹽也

### 厥田惟上下厥賦中上

田第三等賦第四等也

### 厥貢鹽絺海物惟錯岱畎絲枲松怪石萊夷作牧厥篚栗絲

鹽絺以爲服食海物以供燕享錯非一種也此

便蒙高貢要註

十六 李光明莊

通州貢也絲枲以爲衣服鉛松怪石以備器用出於岱山之谷也萊州之民因水患旣息得以畜牧爲生有山桑之絲可爲琴瑟之絃繒帛之用則盛於筐篚焉此隨地貢也

### 浮于汶達于濟

汶水出原山之陽西南入濟而濟西北入河故貢賦之來浮汶而達於濟自濟而可達於河矣

### 海岱及淮惟徐州

徐州之域東至海南至淮北至岱兼言三邊者



所以別於青揚也

### 淮沂其乂

淮水出胎簪山沂水出艾山其乂者沂入泗以達淮淮會泗而歸海也淮水發源於豫至徐揚之間始大而爲患尤在於徐故淮之治於徐言之也

### 蒙羽其藝

蒙羽二山向爲淮沂所包淮沂治而後蒙羽可種藝事之相因者也

便蒙禹貢要註

七

李光明註

### 大野既豬

大野澤名濟水之所絕也既豬者蓄而復流也

### 東原底平

東原地名大野之所環濟水之所經也大野豬而後東原平亦事之相因者也

### 厥土赤埴墳草木漸包

土色赤其性黏膩而墳起也漸進長而不已包叢生而積也

### 厥田惟上中厥賦中中

田第二等其土厚故也賦第五等成功尙稀也  
厥貢惟土五色羽畎夏翟嶧陽孤桐泗濱浮磬淮  
夷蠙珠暨魚厥篚元織繄

徐州之土雖赤而五色之土亦間有之可以建  
大社封諸侯此一州所貢也羽山之谷有雉具  
五色其羽中旌旄嶧山之南有特生之桐其材  
中琴瑟泗水之濱浮石成磬可以爲樂器淮水  
之夷所貢蠙珠暨魚可以爲服飾而供祭祀至  
以入于篚者則赤黑之幣曰元可爲袞以祭爲  
端以齊爲冠以爲首服黑經白緯之織純白之  
縞可爲去凶卽吉之服因其所產而使貢也

### 浮于淮泗達于河

泗水出陪尾山淮與泗相連故自淮入泗惟一  
道泗與河不通故自泗達河有兩途泗之上源  
自灘則可達河灘水出於河而入於泗者也泗  
之下流自濟亦可達河濟水入於河而合於泗  
者也

### 淮海惟揚州



揚州之域北至淮東南至於海

### 彭蠡既豬

彭蠡澤名既豬者上流有所容下流有所洩也揚州西南之水平矣

### 陽鳥攸居

澤水既豬洲渚自平隨陽之雁亦得其棲止而遂其性也

### 三江既入

三江者松江婁江東江也既入者入於海也

便蒙禹貢要註

九 李光明莊

### 震澤底定

震澤跨三江之上流多震而難定自三江既入於是震澤亦有所蓄洩而至於安定也揚州東南之水平矣

### 篠簜既敷厥草惟夭厥木惟喬厥土惟塗泥

篠箭竹簞大竹既敷者水去竹已布生也少長

曰夭高茂曰喬塗泥水泉濕也

### 厥田惟下下厥賦下上錯

土性惡故田第九等人工修故賦第七等雜出

第六等也

厥貢惟金三品瑤琨篠簜齒革羽毛惟木島夷卉服厥篚織貝厥包橘柚錫貢

金銀銅之三品可充國用美石似玉之瑤琨可爲禮器篠可爲矢之筈簜可爲樂之管象之齒犀兕之革可成車甲鳥之羽獸之毛可爲旌旄木可備棟宇器械之用卉服葛越木棉之屬海島之夷所貢而織爲貝文之精者則入篚焉此歲貢之常也包裹也小曰橘大曰柚必待供祭祀

便蒙禹貢要註

十

李光明註

沿于江海達于淮泗

揚州東南至海而江與海通北至於淮而淮與泗接故貢賦之來順流下江以入海又逆流入淮以達泗自泗而由澗由濟皆可達河矣

荆及衡揚惟荊州

荊州之域北距南條荊山南盡衡山之陽

江漢朝宗于海

江至東陵而合於漢漢至大別而入於江合流



於荆去海尚遠然水道已安其勢已奔趨於海  
猶諸侯之朝宗於王也

### 九江孔殷

九水合流洞庭故名九江江水之所經也江漢  
治故水道甚得其正也

### 沱潛旣道

水自江出爲沱漢出爲潛此荆州江漢之別流  
也江漢治故沱潛已順其道也

### 雲土夢作乂

便蒙禹貢要註

十一 李光明莊

雲之澤跨江之南其地卑而水落在後故但見  
其土夢之澤跨江之北其地高而水落在先故  
可耕治也此澤旁之地亦因江漢治而然也

### 厥土惟塗泥厥田惟下中厥賦上下

荆州之土與揚州同故田比揚只加一等而賦  
第三等者地闊而人工修也

厥貢羽毛齒革惟金三品  
椀栝栝柏礪砥砮丹惟  
篛籛楛三邦底貢厥名包匭菁茅厥篚元纁璣組  
九江納錫大龜

羽毛可爲旌旄齒革可成車甲金銀銅三品之  
金可充國用柁木可爲弓榦栝柏可備棟宇器  
械之用礪砥可爲利器之用砮可爲矢鏃之用  
丹砂可爲繪畫之用篋籥勁竹楛堅木皆可以  
爲矢三邦致貢其有名者戎事貴精也菁茅供  
祭祀縮酒之用旣包又匭祀事尙敬也元纁璣  
組供衣裳服飾之用盛於筐焉此皆常貢也大  
龜產於九江非可常得得之則納於上不爲常  
貢也

便蒙禹貢要註

十一

李光明註

### 浮于江沱潛漢逾于洛至于南河

荊州貢賦之來由江入沱由沱入漢爲一路由  
江入潛由潛入漢爲一路漢與洛不通故必舍  
舟而陸以達於洛自洛而至南河也

### 荆河惟豫州

豫州之域西南至南條荆山北距大河

### 伊洛瀍澗旣入于河

伊出於熊耳洛出於冢嶺瀍出於晉亭澗出於  
白石伊瀍澗入洛而洛則會三水以入河四水



相敵故統誌之也

### 滎波既豬

水自濟溢爲滎洛出爲波既豬者滎受濟之溢波安洛之流也

### 導荷澤被孟豬

荷澤在孟豬之上流孟豬在荷澤之下流皆濟水所經被餘波所及也導荷澤之餘波以入於孟豬也

### 厥土惟壤下土墳壚

便蒙禹貢要註

十三

李光明註

豫州之土高者柔而無塊下者墳起而疏不言色者其色雜也

### 厥田惟中上厥賦錯上中

田第四等賦第二等雜出第一等也

### 厥貢漆臬絺紵厥篚織纊錫貢磬錯

漆器用也臬與絺紵之布服用也入於篚者黑經白緯之織禪服用也細綿之纊禦寒用也錫命而後貢者治磬之錯非所常貢也

### 浮于洛達于河

豫州去帝都最近其東境徑自入河其西境則浮於洛而後至於河也

### 華陽黑水惟梁州

梁州之域北距華山之南西據黑水

### 岷嶓旣藝

岷山江水所出嶓冢漢水所出川源旣滌水去不滯而可種藝江漢之上源治矣

### 沱潛旣道

此江漢別流之在梁州者沱水西入於江潛水

便蒙禹貢要註

十四

李光明註

西南入江各順其故道而無所壅江漢之下流治矣

### 蔡蒙旅平

蔡蒙二山上合下開涑水經其間治平而祭告也因以見諸州之山皆可旅矣

### 和夷底績

和夷平地之近水者水患去而致有功績矣

### 厥土青黎

其色青而又黑不言性者其性雜也



厥田惟下上厥賦下中三錯

田第七等賦第八等雜出第七等第九等也言三錯者見三等適均雜出無偏多也

厥貢璆鐵銀鏤砮磬熊羆狐狸織皮

璆玉磬供樂用也鐵柔鐵供器用也銀供國用也鏤剛鐵供鏤刻也石砮供矢用也石磬供樂用也梁州山林爲多熊羆狐狸四獸其毛織之可以爲蜀其皮製之可以爲裘供服用也

西傾因桓是來浮于潛逾于沔入于渭亂于河

便蒙禹貢要註

十五 李光明註

梁州貢賦自西南來者西傾山之南桓水出焉桓與潛通故可由桓而浮於潛潛與沔阻漾枝津不相通焉故必舍舟而陸以接沔沔與河又不通故必由沔而北入於渭渭與河通則橫截渡河故曰亂

黑水西河惟雍州

雍州之域西據黑水東距西河謂之西河者主冀州而言也

弱水旣西

順其性而導之西流也

### 涇屬渭汭

涇水出峽頭山東南入渭渭水出南谷山東入河汭水出弦蒲藪東南入涇涇水居中上受西北之汭下入東南之渭有以連屬二水也其實納涇汭者渭也

### 漆沮既從

漆水出同官沮水出直路合流而西南入渭從者從於渭也

便蒙禹貢要註

十六

李光明註

### 澧水攸同

澧水出終南山而東入渭同者同於渭也澧渭相若故曰同此皆指渭言也

### 荆岐既旅終南惇物至于鳥鼠

荆爲漆沮所經岐爲涇汭所經終南澧水所出惇物澧水所經鳥鼠渭水所經既旅者已祭告也

### 原隰底績至于豬野

治水成功自高而下廣平曰原下濕曰隰豬野



澤名言無不底績也

### 三危旣宅三苗不敘

三危西裔之地三危旣已可居而三苗之竄於此者亦皆革心向化而大有功敘也

### 厥土惟黃壤

黃者土之正色壤者土之常性非他州所及也

### 厥田惟上上厥賦中下

田第一等土貴而地力厚也賦第六等地狹而人功少也

便蒙禹貢要註

十七

李光明註

### 厥貢惟球琳琅玕

球琳琅玕美玉也可爲圭璋之用琅玕石之似珠者可爲冠冕之飾

### 浮于積石至于龍門西河會于渭汭

雍之貢道有二其東北境則浮舟於積石之河以至龍門而入冀之西河也其西南境則或浮澧涇或浮漆沮皆會於渭水之北以入河也

### 織皮毳毼析支渠搜西戎卽敘

三國皆貢皮衣故以織皮冠之皆西方戎落故

以西戎總之卽就也雍州水土旣平而餘功及於西戎也

導岍及岐至于荆山逾于河壺口雷首至于太岳  
底柱析城至于王屋太行恆山至于碣石入于海  
水源出於山水勢因於山故治水必先隨山此  
導北條大河北境之山以爲濬河濟之經始也  
始自雍州導岍及岐而至於荆及者相去近也  
至者相去遠也過於河則自雍而至冀矣壺口  
雷首以至太岳導冀州西河之山也底柱析城  
以至王屋導冀州南河之山也太行恆山以至  
碣石導冀州東河之山也入於海者河濟之水  
可入海而諸山所出所經之水皆得其道以入  
海也

尾  
西傾朱圉鳥鼠至于太華熊耳外方桐柏至于陪

此導北條大河南境之山以爲濬渭伊洛淮之  
經始也西傾朱圉鳥鼠太華雍州山也熊耳外  
方桐柏陪尾豫州山也諸山導則水之大者可



入海小者可入河矣

### 導嶓冢至于荆山內方至于大別

此導南條江漢北境之山以爲濬漢之經始也  
嶓冢在梁之南漢水所出導之以濬其源荆山  
內方大別在荆之北漢水所經導之以通其流  
而漢水可入江矣

### 岷山之陽至于衡山過九江至于敷淺原

此導南條江漢南境之山以爲濬江之經始也  
岷山在梁之北江水所出導之以濬其源衡山  
敷淺原在荆之南江水所經導之以通其流而  
江水可入海矣岷山之脈其北一支爲衡山在  
九江西南其南一支爲敷淺原在九江東北故  
必過九江也

### 導弱水至于合黎餘波入于流沙

此下導水也西海之山有弱水凡水皆載此水  
獨弱而且西流水之變者也順其性而導之正  
派至於合黎之山餘波入於流沙之地而弱水  
治矣

導黑水至于三危入于南海

汾關之山有黑水凡水皆清此水獨黑而且南流水之變者也順其性而導之經於三危入於南海而黑水治矣

導河積石至于龍門南至于華陰東至于底柱又東至于孟津東過洛汭至于大伾北過洛水至于大陸又北播爲九河同爲逆河入于海

此導北條大河也河源多伏流而積石其見處但從積石以疏其流而至龍門於是自北而南至於華山之北所謂雍之東河也而冀之西河治矣自南而東則至底柱又至孟津過洛汭交流之處至大伾所謂豫之北河也而冀之南河治矣自東而北則爲洛水至大陸又分播爲九河所謂兗之西河也而冀之東河治矣其入海之處則曰逆河上分而爲九下合而爲一而歸

宿於海矣

蟠冢導濊東流爲漢又東爲滄浪之水過三澨至于大別南入于江東匯澤爲彭蠡東爲北江入于



海

此導南條之漢水也漾水發源於嶓冢自嶓冢導之以濬其源東爲漢爲滄浪水之經歷隨地得名爲者非他水也過三澁之水過者大水合小水也至大別之山南入於江入者小水入大水也匯迴也匯澤爲彭蠡以漢而合江也復東出爲北江順流入海而漢治矣

岷山導江東別爲沱又東至于澧過九江至于東陵東迤北會于匯東爲中江入于海

便蒙禹貢要註

三

李光明註

此導南條之江水也江水發源於岷山自岷山導之以濬其源沱江之別流也澧與九江荆州水也東陵荆州地也漢固東爲彭蠡矣江則迤邐東流北會漢水而同匯爲彭蠡與漢合也漢固東爲北江矣江則東流而爲中江亦與漢合也順流入海而江治矣

導沱水東流爲濟入于河溢爲滎東出于陶邱北又東至于荷又東北會于汶又北東入于海

此導北條之濟水也發源於王屋山曰沆自沆

而下則伏矣及其東流爲濟是伏而見也自濟而潛入於河則再伏矣及其溢出爲滎是伏而再見也自滎而下則又伏矣及其東出於陶邱北則常見而不伏矣由是而東至菏澤又東北合於汶又轉而北東入於海而濟治矣不言山者沆多伏流其出非一也

### 導淮自桐柏東會于泗沂東入于海

此導南條之淮水也出於胎簪山者尙微而經於桐柏者始大故自桐柏導之由是而東則沂入於泗泗入於淮淮會於泗沂東入於海而淮治矣

便蒙禹貢要註

三

李光明註

### 導渭自鳥鼠同穴東會于澧又東會于涇又東過漆沮入于河

渭雍之大川也出於南谷山經鳥鼠同穴而始大故自鳥鼠同穴導之由是而東澧水南注之涇水北注之渭皆與之會也至是則渭愈大而漆沮東北注之渭則過之耳統眾水以入河而渭治矣



導洛自熊耳東北會于澗瀍又東會于伊又東北入于河

洛豫之大川也出於冢嶺經熊耳山而始大故目熊耳導之由是而東北會於澗瀍又東會於伊合三水以入河而洛治矣

九州攸同四隩旣宅九山刊旅九川滌源九澤旣陂四海會同

此總結上文成功言九州水土同於平治也四海之隩水涯之地已可奠居士之卑者治矣九州之山斬木通道已可祭告土之高者治矣九州之川濬滌泉源而無壅遏水之流者治矣九州之澤已有陂障而無決潰水之止者治矣由是四海之水無不會同而各有所歸也

六府孔修庶土交正底慎財賦咸則三壤成賦中邦

此總結九州之貢賦也孔大也水患旣去地利可興水火金木土穀皆大修治而財用有資貢賦可定也庶土有等以肥瘠高下交相參較由

是國土制貢而致謹其財賦之入有通州之貢  
一有隨地之貢常者爲正貢暫者爲錫貢九州穀  
土皆品節之以定上中下三等由是因田定賦  
制爲一成而不可易田之上者其賦厚下者其  
賦薄正歲者爲常間歲者爲錫也

### 錫土姓

此修封建之制錫之土以立國錫之姓以立宗  
欲其屏藩王室以保平成之績也

### 祇台德先不距朕行

便蒙禹貢要註

孟西 李光明註

禹平水土定貢賦建諸侯治已定功已成矣自  
言惟敬我德以先天下則人自不違越我之所  
行也此禹治水成功之本也

五百里甸服百里賦納總二百里納銓三百里納  
秸服四百里粟五百里米

此下弼成五服之事王城之外四面皆五百里  
則制爲甸服甸田服事也皆田賦之事內百里  
爲最近故并禾本總賦之外百里爲次近刈禾  
半藁納也外百里又次之去藁粗皮納也此三



百里去王畿爲近又使之服輸將之事也第四  
百里爲遠去其穗而納穀第五百里爲尤遠去  
其穀而納米蓋量其地之遠近而爲納賦之輕  
重精粗也

### 五百里侯服百里采二百里男邦三百里諸侯

甸服之外四面又各五百里則制爲侯服侯國  
之服也采者卿大夫邑地男邦小國也諸侯大  
國次國也小國居內所以安內附也大國居外  
所以禦外侮也

便蒙禹貢要註

五

李光明註

### 五百里綏服三百里揆文教二百里奮武衛

侯服之外四面又各五百里則制爲綏服漸遠  
王畿而取撫安之義也內三百里密邇侯甸治  
之當用文故揆文教外二百里漸近要荒治之  
當用武故奮武衛文以善民生而內無不安武  
以護民生而外無不安矣

### 五百里要服三百里夷二百里蔡

綏服之外四面又各五百里則制爲要服取約  
束之意特羈縻之而已蔡放也放罪人於此也

五百里荒服三百里蠻二百里流

要服之外四面又各五百里則制爲荒服荒遠在所略也流與蔡皆所以處罪人罪有輕重故地有遠近也

東漸于海西被于流沙朔南暨聲教訖于四海禹錫元圭告厥成功

此總治水作貢封建疆理而言祇德之不距如此也漸漬被覆暨及也上言五服之制此言聲教所及蓋法制有限而教化無窮矣禹於此時以元圭爲贄而告成功於舜見致治之由深保治之意也

便蒙禹貢要註

三

李光明註

便蒙禹貢要註終





1.0 每册价。50

